



# Allgemeng Participatiouns Bedingungen

## 1. Geltungsberäich

Dës Allgemeng Participatiouns Bedingungen (APB) gëlle fir all Event mat obligatorescher Umeldung, organiséiert vun de Lëtzebuenger Studenten Zürich asbl (LSZ), ausser explizitt anescht uginn. Den Zürcher Bal, organiséiert vum LSZ, fällt explizitt net ënnert dës Konditiounen.

Ënnert dës Konditiounen fällt all Persoun déi d'APB während senger Umeldung akzeptéiert.

## 2. Unmeldung

All Event dat ënnert d'Konditiounen vun den APB fält, gëtt virun der Umeldungsperiod per Mail an iwwert déi intern Facebook-Grupp vum LSZ annoncéiert a presentéiert. An dësen Informatiounen steet och de Start vun den Umeldungen, a wann disponibel, och de finalen Umeldungspräis. D'Unmeldung fënnt exklusiv iwwert den Internetsite vum LSZ, [lsz.lu](http://lsz.lu), statt. Bei verschiddenen Events gëtt och en obligatoresche Benotzerkonto virausgesat.

No enger erfollegräicher Transmissioun vun den Donnéeën, kritt de Benotzer eng automatesch Email vum System. Dono gëtt no folgendem Prioritéitsprinzip decidéiert op d'Unmeldung validéiert oder op d'Waardelëscht gesat gëtt.

Priortitéiten:

1. Comitésmemberen vum LSZ (inclus Coopté(e)s)
2. Aktiv Memberen (voir Statuten vum LSZ) déi um Zürcher Bal den Owend selwer 3 Schichten geschafft hunn
3. Aktiv Memberen (voir Statuten vum LSZ) déi um Zürcher Bal geschafft hunn (Op- oder Ofriichten oder den Owend selwer)
4. Aktiv Memberen (voir Statuten vum LSZ)
5. Passiv Memberen (voir Statuten vum LSZ)
6. Externer

NB: Als Zürcher Bal gëtt den läschten vum LSZ organiséierten Zürcher Bal considéiert.

Innerhalb vun all uewengenannter Katégorien, gëllt den System "first come-first served".

An engem raisonnablen Délais nom Schluss vun der Umeldungsphase (Zäitraum tëscht Start an Schluss vun der Umeldung, am viraus kommunizéiert), ginn d'Unmeldungen sortéiert an all Persoun informéiert op hier Umeldung validéiert oder op d'Waardelëscht gesat ginn ass.

Umeldungen déi no der Umeldungsphase dem Comité (per Email un [comite@lsz.lu](mailto:comite@lsz.lu)) oder den Organisatoren vum Event matgedeelt ginn, ginn automatesch hannen un d'Waardelëscht gesat. An deem Fall gëllt den uewegenannte Prioritéitsprinzip net.





### 3. Ofmeldung

Ofmeldunge ouni Zousatzkäschten si grondsätzlech nëmme während der Umeldungsphase méiglech, also bis zum Schluss vun den Unmellungen um Internetsite. Ass dëst net de Fall muss d'Persoun déi sech ugemellt huet 25% vun den initialen Unmellungskäschten (sou wéi während der Umeldung op der Website annoncéiert) bezuelen. Ausname vun dëser Reegelung sinn:

1. Force Majeure (am Fall wou et onméiglech, illegal, oder gesondheetsschiedlech wier um Event deelzehuelen)
2. Et ginn nach Umeldungen op der Waardelëscht déi (no Confirmatioun) d'Platz iwwerhuelen
3. Et gëtt eng aner Persoun fonnt déi d'Platz iwwerhuelen kann (no Ofsprooch mat den Organisateuren)

Grondsätzlech muss all Ofmeldung esou séier wéi méiglech dem Comité per Mail ([comite@lsz.lu](mailto:comite@lsz.lu)) oder der Organisatioun vum Event schrëftlech matgedeelt ginn.

### 4. Bezuelung

No erfollegräicher Validatioun vun der Umeldung müssen d'Käschten (falls net anescht präziséiert) déi bei der Validatioun stoungen, zäitno beglach ginn. Dëst ka per Iwwerweisung op de Konto vum LSZ (präziséiert an der Validatioun), per Digicash (präziséiert) oder Bor bei der Organisatioun oder der Tresorerie gemaach ginn. Dës Käschte musse spëitstens virum Start vum Event beglach sinn.

### 5. Hausrecht

Fir all Event dat ënnert dës APB fält gëllt d'Hausrecht vum LSZ. Et gëtt sech vum Comité oder der Organisatioun d'Recht virbehalen, Persoune bei falscher Angab vun Donnéeën oder net-Befollege vun Instruktiounen vum Event ze verweisen, ouni Recht op Remboursement vun den Umeldungskäschten.

